

陶靖節集
乾

陶靖節集目錄

卷之一

賦

感士不遇賦并序

閑情賦并序

詩四言

停雲并序

時運并序

榮木并序

陶集目錄

陶靖節集卷之二
林塘遺稿
意
注
下
意
林塘
高等法院
利

陶靖節集目錄

卷之一

賦

感士不遇賦并序

閑情賦并序

詩四言

停雲并序

時運并序

榮木并序

陶集目錄



贈長沙公并序

酬丁柴桑

答龐參軍并序

勸農

命子

歸鳥

詩五言

形贈影并序

影答形

神釋

九日閒居并序

歸園田居六首

問來使

遊斜川并序

示周祖謝三郎

乞食

遊周家墓栢下

怨詩楚調示龐主簿鄧治中

答龐參軍并序

五月旦作和戴簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

別殷晉安并序

贈羊長史

并序

和張常侍

和胡西曹示顧賊曹

悲後弟仲德

始作鎮軍參軍經曲阿

庚子歲五月中從都還阻風

二首

辛丑歲七月赴假還江陵

癸卯歲始春懷古田舍

二首

癸卯十二月中作與從弟敬遠

乙巳歲三月使都經錢溪

還舊居

戊申歲六月遇火

己酉歲九月九日

庚戌歲九月中於西田獲早稻

丙辰歲八月中於下溪田舍獲

飲酒二十首

止酒

述酒

責子

有會而作并序

蜡月

四時

擬古九首

雜詩十二首

詠貧士七首

詠二疎

詠三良

詠荆軻

讀山海經十三首

挽歌辭三首

聯句

卷之二

辭

歸去來辭

記

桃花源記并詩

傳贊

五柳先生傳并贊

孟府君傳并贊

讀史述九章

天子孝傳贊

諸侯孝傳贊

卿大夫孝傳贊
士孝傳贊

庶人孝傳贊

扇上畫贊

述記疏

與子儼等疏

祭文

祭程氏妹文

祭從弟敬遠文

自祭文

雜錄四八目

集聖賢群輔錄上

集聖賢群輔錄下

附錄

靖節徵士誄

陶淵明傳

陶淵明集序

陶潛集序錄

集私記

集後書

集總論

是集蕭統陽休之輩或題陶淵明或

題陶潛隋志作陶潛集唐志作陶泉
明集以泉易淵唐為神光諱甫自趙
宋來傳本題陶淵明集春惡其不賢
著名也從馬端臨經籍考稱靖節集
云集分券數目諸家不同附錄載世
傳李公煥本當是宋丞相所記江左
舊書所謂最倫貫者春今考諸家移
卷六賦二篇併八卷五移卷五五柳
先生傳孟府君傳同卷七傳缺為卷

六史述九章移挑漁記前加卷八與
子儼等疏上為卷七四八目舊自甄
表狀杜喬以下分之為卷九卷十今
中分自鄧禹以下為卷八卷九減舊
一卷而謀傳序錄記跋諸為陶作洎
先輩論議及陶有不可附篇注下者
錄次末簡用是十卷之數是雖少有
更置而倫貫依類尤覺得宜謹記于
此以備考焉正德戊寅陽月吉日燕

泉何孟春子元父記

陶靖節集目錄卷之一終

何燕泉註陶靖節集序

予幼時先人愛陶詩時命諷誦久若有得於其人也竊好愛之年十七鄉族強以事科舉此意遂泯泯而終不能忘也暨官京師事異已雖時或知慕然慕則愧愧則置不復觀而意亦荒矣迨南還而家傳本已失蓋勝國時刻也始取近所得本讀之讀彌久愧彌甚愧彌甚悔彌切而終不能忘也則置愧悔而諷誦之以暢情宣鬱而至詠荊軻篇忽不覺敵罔矣然猶以編次或

雜采撫未周為恨日燕泉先生來撫滇以所注
陶靖節集見寄集仍十卷而編次則更易而有
倫矣采摭則博洽而有據矣評議則折衷而有
斷矣事蹟則精覈而有孚矣註釋音訓之所早
正之而探極旨歸於言外者又卓卓也此豈無
深意於其間而苟焉以就者夫晦翁於六籍有
不暇及而懇懇楚辭之注以是而窺何可謂之
無深意也亡其弟欲學詩者寧是以造乎淡高
遠乎亡其弟欲發其學之精博以光陶而名世

乎亡其感時救弊欲使讀答曰詩以真知其人
得其心而懸解於聲利乎皆未可知也然揆以
孟子亟稱於夷惠之道則公用意之深亦或可
識矣正德庚辰八月之閏八日南園張志淳甫
書

何燕泉註陶靖節集序

察奉

命而南稍携載籍或曰燕泉公在遂止地至昆
明獲接談論閎博河懸浩乎莫知其所以止日

聞所未聞已而察慮囚金滄使至開械則註
陶詩也緇簡曰其於是編嘗訓詁已了其志
諸察不佞何足以知之雖然嘗聞之詩源於
賡歌委於風雅風雅之衰流而溢矣刪後無
作可也顧自騷選歷唐音作者無慮數百遇
景得情取妍於物字琢而巧句鍊而精體裁
格韻殊出異趨各以其所能鳴迄于今不竭
益緇其間高視濶步凌轢諸家有聲殷殷摩
一憂宇宙則李杜陶柳輩數人而已夷考之長

庚天才似未易及柳州雄深亦若可取然視
少陵之沉著痛快自當避舍抑豈能冲淡蕭
散與彭澤比哉蓋杜與陶雖不同道要其忠
愛之誠皆淳蓄有素則攄發形容之際宜非
教放比周者可同年語也是故後之推重而
願學焉者往往於杜陶乎加之意有由然矣
夫琳琅流落太山毫芒前輩嘗嘆之奮乎千
載之上使千載之下尚知諷誦而興起是豈
偶然之故哉意其所得於稟賦者固已不冗

而所養於端莊靜一以自全其天者尤有非
人所得而與知者矣不然何作者如彼其衆
而義愛以傳久而彌彰者僅如此也註杜者
不一而虞篴較著近有子開杜氏稍復發揮
陶註亦頗多然其間缺誤不少至于公始克
大脩云察讀通鑑綱目見陶之卒也紫陽夫
子特筆起義不曰宋徵士而曰晉徵士竊幸
其出處大節至此始堂堂於後世今覽茲註
又益得以挹其意味興寄之高遠而凡當時

身外浮蹤舉不足為之軒輊矣然則君子於
身心倫理之大可不特立獨行以自振拔乎
日海內盜起南中尤號邊夷公方撫綏是亟
而且不廢文事其所養可知已君子曰不降
其志靖節以之聞發幽秘燕泉有焉海虞後
學陳察原習拜書

陳集序卷一

四

靖節先生像






Vertical text or markings along the right edge of the page, possibly a binding or a marginal note. The text is mostly illegible due to fading and the angle of the page.

歸去來圖





陶靖節集卷第一

明浙江叅議何湛之校刊

賦

感士不遇賦

并序

昔董仲舒作士不遇賦司馬子長又為
之余嘗以三餘之日講習之暇讀其文
慨然惆悵夫履信思順生人之善行抱
朴守靜君子之篤素自真風告逝大偽
斯興閭閻懈廢退之節市朝驅易進之

心懷正志道之士或潛玉於當年潔已
清操之人或沒世以徒勤故夷皓有安
歸之歎三閭發已矣之哀悲夫寓形百
年而瞬息已盡立行之難而一城莫賞
此古人所以染翰慷慨屢伸而不能已
者也夫導達意氣其惟文乎撫卷躊躇
遂感而賦之

啓大塊之受氣何斯人之獨靈稟神智以歲照
兼三五而垂名或擊壤以自歡或大濟於蒼生

靡潛躍之非分常傲然以稱情世流浪而遂徂
初羣分以相形容網裁而魚駭宏羅制而鳥驚
彼達人之善覺乃逃祿而歸耕山嶺巖而懷影
川汪汪而藏聲望軒唐而永歎甘貧賤以辭榮
淳源汨以長分義惡作以異途原百行之攸貴
莫為善之可娛奉上天之成命師聖人之遺書
發忠孝於君親生信義於鄉閭推誠心而獲顯
不矯然而祈譽嗟乎雷同毀異物惡其上妙算
者謂迷直道者云妄坦至公而無猜卒蒙耻以

受謗雖懷瓊而握蘭徒芳潔而誰亮哀武士之
不遇已不在炎帝帝魁之世獨祇脩以自勤豈
三省之或廢庶進德以及時時既至而不怠無
妄生之晤言念張季之終蔽慙馮叟於郎署賴
魏守以納計雖僅然於必知亦苦心而曠歲審
夫市之無虎眩三夫之獻說悼賈傳之秀朗紆
遠轡於促界悲董相之淵致屢乘危而幸濟感
哲人之無偶淚淋浪以灑袂承前王之清謨曰
天道之無親澄得一以作鑒恒輔善而佑仁夷

投老以長饑回早犬而又貧傷請車以備擲悲
茹薇而殞身雖好學與行藏何死生之苦辛
報德之若茲懼斯言之虛陳何曠世之無才
罕無路之不澀坳立伊古人之慷慨病奇名之不
立廣結疑以從政不愧賞於萬邑屈雄志於威
堅竟尺土之莫及留誠信於身後慟衆人之悲
泣商盡規以拯弊言始順而患入矣良辰之易
傾胡言勝其乃急蒼旻遐緬人事無已有感有
時疇測其理寧固窮以濟意不委曲而累已既

軒冕之非榮豈緇袍之為恥誠謬會以取拙且
欣然而歸止擁孤襟以畢歲謝良價於朝市

閑情賦并序

初張衡作定情賦蔡邕作靜情賦檢逸
辭而宗澹泊始則蕩以思慮而終歸閑
正將以抑流宕之邪心諒有助於諷諫
繼文之士奕代繼作並固觸類廣其辭
義余園閒多暇復染翰為之雖文妙不
足庶不謬作者之意乎

夫何懷逸之令姿獨曠世以秀羣表傾城之艷
色期有德於傳聞佩鳴玉以比潔齊幽蘭以爭
芬淡柔情於俗內負雅志於高雲悲晨曦之易
夕感人生之長勤同一盡於百年何歡寡而愁
殷褰朱幃而正坐汎清瑟以自欣送纖指之餘
好攘皓袖之繽紛瞬羲日以流眄含言笑而不
分曲調將半景落西軒悲商叩林白雲依山仰
睇天路俯促鳴絃神儀嫵媚舉止詳妍激清言
以感余頽接膝以交言欲自往以結誓懼冒禮

之為

信林言切

待鳳鳥以致辭恐他人之或

先意惶惑而靡寧魂領吏而九遷願在衣而為

頌承華首之餘芳悲羅襟之宵離怨秋夜之未

央願在裳而為帶束窈窕之纖身嗟溫涼之異

氣或脫故而服新願在髮而為澤刷玄髮於頽

肩悲佳人之屢沐泛白水以枯煎願在眉而為

黛隨瞻視以閑揚悲脂粉之尚鮮或取毀於華

粧願在莞而為席安弱體於三秋悲文茵之代

御方經年而見求願在絲而為履附素足以周

旋悲行止之有節空委棄於牀前願在晝而為
影常依形而西東悲高樹之多蔭慨有時而不
同願在夜而為燭照玉容於兩楹悲扶桑之舒
光奄滅景而藏明願在竹而為扇含淒飈於柔
握悲白露之晨零顧襟袖以緬邈願在木而為
桐作膝上之鳴琴悲樂極以哀來終推我而輕
音考所願而必違徒契契以苦心結契位擁勞情
而罔詳步容與於南林栖木蘭之遺露翳青松
之餘陰儻行行之有覲交欣懼於中襟竟寂寞

而無見獨悄想以空尋歛輕裾以復路瞻夕陽
而流歎步徙倚以志趣色慘悽而矜顏葉燮燮
以去條氣淒淒而飢寒日負影以偕沒月媚景
於雲端鳥悽聲以孤歸歎索偶而不還悼當年
之晚暮恨茲歲之欲殫思宵夢以從之神飄飄
而不安若憑舟之失掉譬緣崖而無攀于時旱
昴盈軒北風淒淒惘惘不寐衆念徘徊起攝帶
以伺晨繁霜繁於素階雞歛翅而未鳴笛流遠
以清哀始如密以閑和終寥亮而藏推意夫人

之在茲託行雲以送懷行雲逝而無語時奄冉
而就過宋本云行雲逝而不我徒勤思以自悲
終阻山而帶河迎清風以祛累寄弱志於歸波
充蔓草之為會謂邵南之餘歌坦為慮以存誠
憇遙情於八遐

詩四言

停雲并序

停雲思親友也樽酒新篴適讀園列初
榮願言不誕歎息彌襟

霽霽停雲濛濛時雨入表同昏平路伊阻靜寄
東軒春醪獨撫良朋攸心邈搔首延佇

停雲霽霽時雨濛濛入表同昏平陸成江有酒
方酒間飲東牕頽言懷人舟車靡從

東園之樹枝條再榮競用新好以招余情人亦
有言日月于征安得促席說彼平生

翩翩飛鳥息我庭柯歛翮閑止好聲相和豈無
他人念子寔多願言不獲抱恨如何

時運并序

時運游暮春也春服既成景物斯和偶
影獨游欣慨交心

邁邁時運穆穆良朝藪我春服薄言東郊山濞
餘霽宇曖微霄有風自南翼彼新苗

洋洋平津乃漱乃濯邈邈遐景載欣載瞻瞻之
稱心而言人亦易足揮茲一觴陶然自樂

延目中流悠悠清沂魚依切童冠齊業閒詠以歸

我愛其靜寤寐交揮但恨殊世邈不可追
斯晨斯夕言息其廬花藥分列林竹翳如清琴

橫牀濁酒半壺黃唐莫逮慨獨在余

蔡木并序

蔡木念將老也日月推遷已復有真總
角聞道白首無成

采采蔡木結根于茲晨耀其華夕已喪之人生
若寄顛顛有時靜言孔念中心悵而

采采蔡木于茲托根繁華朝起慨暮不存真脆
由人禍福無門匪道曷依匪善奚敦

嗟予小子稟茲固陋徂年既流業不增舊志彼

不舍安此日富作忘我之懷矣恒焉內疚

先師遺訓余豈云墜四十無聞斯不足畏脂我

名車策我名驥千里雖遙孰敢不至

贈長沙公族祖并序

長沙公於余為族一作余於長祖同出

大司馬昭穆既遠已為路人經過潯陽

臨別贈此

同源分流人易世踈慨然寤歎念茲厥初禮服

遂悠歲月眇祖感彼行路眷然躊躇

於穆令族允構斯堂詣氣冬暄映懷主璋爰系
春花載警秋霜我曰欽哉實宗之光
伊余云邁在長忘同笑言未久逝焉西東遙遙
三湘滔滔九江山川阻遠行李時通
何以寫心貽此話言進簣雖微終焉爲山敬哉
離人臨路悽然款襟或遼音問其先

酬丁柴莊

有客有客爰來爰止秉直司聰于惠百里餐勝
如歸聆善若始

匪惟諧也屢有良由載言載眺以寫我憂放歡
一遇既醉還休寔欣心期方從我遊

答龐參軍并序

龐為衛軍參軍從江陵使上都過潯陽
見贈

衡門之下有琴有書載彈載詠爰得我娛豈無
他好樂是幽居朝為灌園夕偃蓬廬
人之所寶尚或未珍不有同愛云胡以親我宗
良友寔觀懷人懽心孔洽棟宇惟鄰

伊余懷人欣德孜孜我有旨酒與汝樂之乃陳
好言乃著新詩一日不見如何不思

嘉遊未數誓將離分送爾于路樹觴無欣依依
舊楚邈邈西雲之子之遠良話曷聞

昔我云別倉庚載鳴今也遇之霰雪飄零大藩
有命作使上京豈忘宴安王事靡寧

慘慘寒日肅肅其風翩彼方舟容裔紅中勗哉
征人在始思終敬茲良辰以保爾躬

勸農

悠悠上古厥初生人傲然自足抱朴含真智巧
既萌資待靡因誰其贍之實賴哲人

哲人伊何時為后稷贍之伊何實曰播殖舜既
躬耕禹亦稼穡遠若周典八政始食

熙熙令音猗猗原陸卉木繁榮和風清穆紛紛
士女趨時競逐桑婦宵征農夫野宿

氣節易過和澤難久冀缺攜儷沮溺結耦相彼
賢達猶勤壘畝矧伊衆庶曳裾拱手

民生在勤勤則不匱宴安自逸歲暮矣冀儻石

不儲飢寒交至顧爾儔列能不懷愧
孔耽道德樊須是鄙董樂琴書田園不履若能
超然投迹高軌敢不欲往歌讚德矣

命子

悠悠我祖爰自陶唐邈為虞賓歷世重光御龍
勤夏承韋翼商穆穆司徒厥族以昌

紛紛戰國漠漠衰周鳳隱於林幽人在立逸蚪
遠雲蚪奇奔鯨駭流天集有漢眷予愍侯
於赫愍侯運常攀龍撫劍風邁顯茲武功書誓

山河啓土開封疊疊丞相允迪前蹤

渾渾長源蔚蔚洪柯羣川載導衆條載羅時有

語然運因隆宋

宋鳥

在我中晉業融長沙

桓桓長沙伊勲伊德天子疇我專征南國功遂

辭歸臨寵不忒孰謂斯心而近可得

肅矣我祖慎終如始直方二臺惠和千里於皇

仁考淡焉虛止寄迹風雲置茲悃喜

嗟余寡陋瞻望弗及顧慚華髮負影隻立三千

之罪無後為急我誠念哉呱聞爾泣

卜云嘉日占亦良時名汝曰儼字汝求思溫恭
朝夕念茲在茲尚想孔伋庶其企而
厲夜生子遽而求火凡百有心奚特於我既見
其生實欲其可人亦有言斯情無假
日居月諸漸免于孩福不虛至禍亦多來夙興
夜寐願爾斯才爾之不才亦已焉哉

歸鳥

翼翼歸鳥晨去于林遠之八表近憇雲岑
憇起
和風不洽翻翻求心顧儔相鳴景庇清陰
例切

翼翼歸鳥載翔載飛雖不懷將見林情依遇雲
頡頏相鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖無
昔侶衆聲每諧日夕氣清悠然其懷

翼翼歸鳥戢羽寒條游不曠林宿則森標晨風
清興好音時交矰繳奚施繳之已卷安勞卷與

詩五言

形影神三首

貴賤賢愚莫不營營以惜生斯甚惑焉

故極陳形影之苦言神辨自然以釋之
好事君子共取其心焉

形贈影

天地長不沒山川無改時
草木不得常理霜露榮
悴之謂人最靈智獨復不如茲
適見在世中奄
去靡歸期奚覺無一人親識
豈相思但餘平生
物舉目情悽_{而如}我無騰化術
必爾不復疑
願君取吾言得酒莫_{之切}苟辭

影答形

存生不可言衛生每苦拙誠願游崑華邈然茲
道絕與子相遇求未嘗異悲悅憇蔭若暫乖止
日終不別此同既難常黯爾俱時滅身沒名亦
盡念之五情熱立善有遺愛胡為不自竭酒云
能消憂方此詎不劣

神釋

大鈞無私力萬理自森著人為三才中豈不以
我故與君雖異物生而相依附結託善惡同安
得不相語三皇大聖人今復在何處彭祖壽永

年欲留不得佳老少同一死賢愚無復數日醉
或能忘將非但齡具立善常所欣誰當為汝譽
甚念傷吾生正宜委運去縱浪大化中不言亦
不懼應盡便復盡無復獨多慮

九日閑居并序

余閑居愛重九之名秋菊盈園而持醪
靡由空服九華寄懷於言

世短意常多斯人樂久生日月依辰至舉俗愛
其名露淒暄風息氣澈天象明往鸞無遺影來

鴈有餘聲酒能祛百慮菊為制頽齡如何逢廬
士空視時運傾塵爵耻虛壘寒華徒自榮歛襟
獨閑謠緬焉起深情棲遲固多娛淹留豈無成

歸園田居

六首
篇乃序

韓子蒼曰田園六首末
役與前五首不類今

俗卒乃取江淹種
苗在東臯為末篇

少無適俗韻性本愛丘山誤落塵網中一去三
十年羈鳥戀舊林池魚思故淵開荒南野際守
拙歸園田方宅十餘畝草屋八九間榆柳蔭後
園桃李羅堂前曖曖遠人村依依墟里烟狗吠

深巷中鷄鳴桑樹顛戶庭無塵雜虛室有餘閑
久在樊籠裏復得返自然

野外罕人事窮巷寡輪鞅白日掩荆扉虛室絕
塵想時復墟曲中披草共來往相見無雜言但
道桑麻長桑麻日已長我土日已廣常恐霜霰
至零落同草莽

種豆南山下草盛豆苗稀晨興理荒穢帶月荷
鋤歸道狹草木長夕露沾我衣衣沾不足惜但
使願無違

久去山澤游，浪莽林野螟。試攜子姪輩，披榛步
荒墟。徘徊丘壠間，依依昔人居。井竈有遺處，桑
竹殘朽株。借問採薪者，此人皆焉如。薪者向我
言，死沒無復餘。一世異朝市，此語真不虛。人生
似幻化，終當歸空無。

悵悵獨策還，崎嶇歷榛曲。山澗清且淺，遇以濯
吾足。漉我新熟酒，隻鷄招近屬。日入室中闇，荆
薪代明燭。歡來苦夕短，已復至天旭。

種苗在東臯，苗生滿阡陌。雖有荷鋤倦，濁酒聊

自適日暮巾柴車路暗光已夕歸入塗烟火雜
子候簷隙問君亦何為百年會有役但願棄麻
成蠶月得紡績素心正如此開徑墜三益

問來使

西清詩話曰此節獨南唐與鼎文元家二本有之

甫從山中來早晚發天目我屋南山下今生幾
叢菊蓄薇葉已抽秋蘭氣當馥歸去來山中
中酒應熟

遊斜川并序

辛丑正月五日天氣澄和風物閑美與

二三鄰曲同遊斜川臨長流聖曾城魴
鯉躍鱗於將夕水鷗飛和以翻飛彼南
阜者名實舊矣夫不復乃為嗟歎若夫曾
城傍無依接獨秀中興遙想靈山有愛
嘉名欣對不足率爾賦詩悲日月之遂
往悼吾年之不留各疏年紀鄉里以記
其時曰

開歲候五日吾生行歸休念之動中懷及辰為
茲游氣和天惟澄班坐依遠流弱端馳文魴閑

谷矯鳴鷗迥澤散游目緬然睜曾丘雖微九重
秀顧瞻無匹儔提壺接賓侶引滿更獻酬未知
從今去當復如此否中觴縱遙情忘彼千載憂
且極今朝樂明日非所求

示周續之祖企謝景夷三郎

負病頽簷下終日無一欣藥石有時閑念我意
中人相去不尋常道路邈何因周生述孔業祖
謝響然臻道喪由千載今朝復斯聞馬隊非講
肄校書亦已勤老夫有所愛思與爾為鄰願言

誨諸子從我穎水濱

乞食

饑來驅我去不知竟何之行行至斯里叩門拙
言辭主人解余意遺贈豈虛來談話終日夕觴
至輒傾盃情欣新知歡言詠遂賦詩感于漂母
惠愧我非韓才銜戟知何謝冥報以相貽

諸人共遊周家墓栢下

今日天氣佳清吹與鳴彈吹尺感彼栢下人
安得不為歡清歌散新聲綠酒開芳顏未知明日

事余襟良已殫

想詩楚調示龐主簿鄧治中

天道幽且遠鬼神茫昧然結髮念善事偶倪六
九年弱冠逢世阻始室喪其偏炎火屢焚如螟
蟻恣中田風雨縱橫至收歛不盈廬夏日長抱
饑寒夜無被眠造夕思鷄鳴及晨願烏還存已
何怨天離憂悽目前吁嗟身後名於我若浮烟
慷慨獨悲歌鍾期信為賢

答龐參軍并序

三復來貺欲罷不能自爾鄰曲冬春再
交款然良對忽成舊游俗諺云數面成
親舊况情過此者乎人事好乖便當語
離楊公所歎豈惟常悲吾抱疾多年不
復為文本既不豐復老病繼之輒依周
孔徃復之義且為別後相思之資

相知何必舊傾蓋定前言有客賞我趣每每顧
林園談諧無俗調所說聖人篇或有數斟酒閑
飲自歡然我實幽居士無復東西緣物新人誰

舊弱毫多所宣情通萬里外形跡滯江山君其
愛體素來會在何年

五月旦作和戴主簿

虛舟縱逸掉回復遂無窮發歲始俛仰星紀奄
將中南牕罕悴物壯林榮且豐神調寫時雨晨
色奏景風既來孰不去人理固有終居常待其
盡曲肱豈傷冲遭化或夷險肆志無容隆即事
如已高何必升華嵩

連雨獨飲

運生會歸盡終古謂之然世間有松喬於今定
何聞故老贈余酒乃言飲得仙試酌百情遠重
觴忽忘天天豈去此哉任真無所先雲鶴有奇
翼入表復更還自我抱茲獨儂俛四十年形骸
久已化心在復何言

移居二首

昔欲居南村非為卜其宅間多素心人樂與數
晨夕懷此頗有年今日從茲役樊廬何必廣取
足蔽牀席鄰曲時時來抗言談在昔奇文共欣

賞疑義相與析

春秋多佳日登高賦新詩過門更相呼有酒斟酌之農務各自歸閑暇輒相思相思則披衣言笑無厭時此理將不勝音升無為忽去茲衣食當復紀力耕不吾欺

和劉柴桑

山澤久見招胡事乃躊躇直為親舊故未忍言索居良辰人奇懷挈杖還西廬荒塗無歸人時時見廢墟茅茨已就新疇復應畝谷風轉淒

薄春醪解饑劬弱女雖非男慰情良勝無栖栖
世中事歲月共相踈耕織稱其用過此奚所須
去去百年外身名同翳如

酬劉柴桑

窮居寡人用時忘四運周攬庭多落葉慨然已
知秋新葵蔚北牖嘉穠養南疇今我不為樂知
有來歲不命室攜童弱良日登遠游

和郭主簿二首

藹藹堂前林
中夏貯清陰
凱風因時來
回飈開

我襟息交遊閑業卧起弄書琴園蔬有餘滋舊
穀猶儲今營已良有極過足非所欽春秫作美酒
酒熟吾自斟弱子戲我側學語未成音此事
真復樂聊用忘華簪遙遙望白雲懷古一何深
和澤周三春清涼素秋節露晞無滯氣天高風
景澈陵岑聳逸峰遙瞻皆竒絕芳菊開林羅青
松冠巖列懷此貞秀姿卓為霜下傑銜觴念幽
人千載撫爾訣檢素不獲展厭厭竟良月

於王撫軍座送客

秋日淒且厲百卉具已腓
爰以履霜節登高餞
將歸寒氣冒山澤
游雲條無依洲渚四綿邈
風水互乖違瞻夕欲良讌
離言聿云悲晨鳥暮來還
懸車歛餘輝逝止判殊路
旋駕悵遲遲目送回舟遠
情隨萬化遺

與殷晉安別

殷先作晉安南府長史掾因居潯陽後
作太尉叅軍移家東下作此以贈

遊好非久長一遇盡殷勤信宿酬清諾益復知

為親去歲家南里薄作以時鄰負挾肆游從淹
留忘宵晨語默自殊勢亦知當華分未謂事已
及興言在茲春飄飄西風來悠悠東去雲山川
千里外言笑難為因良才不隱世江湖多賤貧
脫有經過便念來存故人

贈羊長史

左軍羊長史銜使秦川作此與之

愚生三季後慨然念黃虞得知千載外正賴古
人書賢聖留餘跡事事在中都豈忘游心目關

河不可踰九域甫已一逝將理舟輿聞君當先
邁負病不獲俱路若經商山為我少躊躇多謝
綺與角精爽今何如紫芝誰復採深谷久應蕪
駟馬無貫患貫特貧賤有交娛清誼結心曲人
垂運見跡擁懷累代下言盡意不舒

歲暮和張常侍

市朝悽舊人驟驥感悲泉明日非今日歲暮余
何言素顏歛光潤白髮一已繁閣戎秦穆談旅
刀豈未愁向夕長風起寒雲沒西山厲厲氣遂

嚴紛紛飛鳥還民生鮮常在矧伊愁苦纏屢關
清醕至無以樂當年窮通靡攸慮顛賴由化遷
撫已有深懷履運增慨然

和胡西曹示顧賊曹

發賓五月中清朝起南颶颶息不駛亦不遲
駛飄飄吹我衣重雲蔽白日開雨紛微微流
視西園曄曄榮紫葵於今甚可愛奈何當復衰
感物願及時每恨靡所揮悠悠待秋稼寒落將
遲逸想不可淹猖狂獨長悲

悲從弟仲德

銜哀過舊宅悲泪應心零借問為誰悲懷人在
九冥禮服名羣從恩愛若同生門前執手時何
意甫先傾在數竟未免為山不及成慈母沈哀
疾二匊繞數齡雙位委空館朝夕無哭聲流塵
集虛坐宿草族前庭階除曠遊迹園林獨餘晴
翳然棄化去終天不復形遲遲將回步惻惻悲
襟盈

始作鎮軍參軍經曲阿

弱齡寄事外妻懷在琴書被褐欣自得屢空
晏如時來苟冥會婉孌憇通衢投策命晨裝
輿園田踈耿耿孤舟逝綿綿歸思紆我行豈不
遙登陟千里餘日徂川塗異心念山澤居望雲
慙高鳥臨水愧游魚真想初在襟誰謂形蹟拘
聊且憑化遷終返班生廬

庚子歲五月中從都還阻風於規林二首
行行循歸路計日望舊居一欣侍溫顏再喜見
友于鼓棹路崎曲指景限西隅江山豈不險歸

子念前途凱風負我心戰懼守窮湖制以高莽
取無界夏木獨森疎誰言客舟遠近瞻百里餘
延目識南嶺空歎將焉如

自古歎行役我今始知之山川一河曠異坎難
與期崩浪聒天響長風無息時久游戀所生如
何淹在茲靜念園林好人間良可辭當年詎有
樂縱心復何疑

辛丑歲七月赴假還江陵夜行塗中一作
閑居三十載遂與塵事宜詩書敦宿好林園無

俗情如何捨此去遙遙至南荆
叩檻新秋月臨流別友生
涼風起將夕夜景湛虛明照照天
宇濶晶晶川上平懷役不遑寐中
宵尚孤征西歌非吾事依依在耦
耕投冠旋舊墟不為好爵榮養真
衡茅下庶以善自名

癸卯歲始春懷古田舍二首

在昔聞南畝當年竟未踐屢空
既有人春興豈自免夙晨裝吾
駕啓塗情已緬鳥弄歡新節冷
風送餘善寒竹被荒蹊地為
牢人遠是以植杖

翁悠然不復返卽理愧通識所保詎乃淺

先師有遺訓憂道不憂貧瞻望邈難逮轉欲志
長勤秉耒歎時務解顏勸農人平疇交遠風良
苗亦懷新雖未量歲功卽事多所欣耕種有時
息行者無問津日入相與歸壺漿勞近隣長吟
掩柴門聊爲隴畝民

癸卯十二月中作與從弟敬遠

寢迹衡門下邈與世相絕顧所冀誰知荆扉書
常開開切漢漢歲暮風飄飄經日雪傾且無所

屋在日皓已潔作結勁氣侵襟袖望遠思晨
蕭索空字中了無一可悅歷覽十載言景時見
遺利爲操非所藝深得固窮節平津尚不由
選世爲拙寄意一言外茲契誰能別

乙巳歲三月爲建威叅軍使都經鎮

我不踐斯境歲月好已積晨夕看山川事
如昔微雨洗高林清飈矯雲翻看彼品物存
風都未隔伊余何爲者勉勵從茲後一形似
制素襟不可易園田日夢想安得久離析終懷

在歸舟諒哉宜霜橘

還舊居

疇昔家上京六載去還歸今日始復來惻愴多
所悲阡陌不教舊邑屋或時非履歷周故居鄰
老罕復遺步步尋往迹有處特依依流幻一百年
中案著日相推常恐大化盡氣力不及衰
且莫念一觴聊可揮

戊申歲六月中遇火

草廬寄窮巷甘以辭華軒正夏長風急
林三

虎藩一宅無遺宇舫舟蔭門前迢迢新秋夕亭
亭月將圓果某始復生驚鳥尚未還中宵時
念一盼周九天總髮抱孤念奇出四十年弟
還化在靈府長獨閑貞剛自有質玉石乃非堅
仰想京戶時餘糧宿中田鼓腹無所思朝起
歸既已不遇茲且遂灌西園

己酉歲九月九日

靡靡秋已久淒淒風露交蔓草不復榮園木空
自凋病氣澄餘滓杳然天界品同哀蟬無歸聲

鴈鳴雲霄萬化相尋繹人生豈不勞從古皆有
沒念之中心焦何以稱我情濁酒且自陶千載
非所知聊以永今朝

庚戌歲九月中於西田獲早稻

人生歸有道衣食固其端孰是都不營而以永
自安開春理常業歲功聊可觀晨出肆微勤日
入負耒還山中饒霜露風氣亦先寒田家豈不
苦弗獲辭此難四體誠乃疲庶無異患于盥濯
息簷下斗酒散襟顏遙遙沮溺心千載乃相關

但願長如此躬耕非所歎

丙辰歲八月中於下潠田舍獲

潠田

貧居依稼穡戮力東林隈不言春作苦常恐負
所懷司田眷有秋寄聲與我諧饑者歡初飽東
帶候鳴鷄楊楸越平湖汎隨清壑迴鬱鬱荒山
裏猿聲閑且哀悲風愛靜夜林鳥喜晨開曰余
作此來三四星火頽姿年逝已老其事未云乖
遙謝荷篠翁聊得從君栖

飲酒二十首

余閑居寡歡兼此夜已長偶有名酒無
夕不飲顧影獨盡忽焉復醉既醉之後
輒題數句自娛紙墨遂多辭無詮次聊
命故人書之以為歡笑爾

哀榮無定在彼此更共之邵生瓜田中寧似東
陵時寒暑有代謝人道每如茲達人解其會逝
將不復疑忽與一觴酒日夕歡相持

積善云有報夷叔在西山善惡苟不應何事空
立言九十行帶索饑寒况當年不賴固窮節石

世當誰傳

道喪向千載人入惜其情有酒不肯飲但顧世
間名所以貴我身豈不在一生一生復能幾條
如流電驚鼎鼎百年內持此欲何成

栖栖失羣鳥日暮猶獨飛徘徊無定止夜夜聲
轉悲厲鄉音思清遠去來何依依自值孤生松歛
翩遙來歸勁風無榮木此陰獨不衰託身已得
所千載不相違

結廬在人境而無車馬喧問君何能爾心遠地

自偏採菊東籬下悠然見南山山氣日夕佳飛
鳥相與還此中有真意欲辯已忘言

行止千萬端誰知非與是是非苟相形雷同共
譽毀三季多此事達士似不爾咄咄俗中惡丁
媚且當從黃綺

秋菊有佳色裛露掇其英

裛於汲切 迨此忘憂

物遠我遺世情願

遠下切

一觴雖獨進杯盡盞自傾

日入羣動息歸鳥趨林鳴嘯傲東軒下聊復得
此生

青松在東園衆草沒奇姿凝霜殄異類卓然見
高枝連林人不覺獨樹衆乃奇提壺掛寒柯遠
望時復為吾生夢幻問何事繼塵羈

清晨聞叩門倒裳往自開問子為誰樂田父有
好懷壺漿遠見候疑我與時乖繼續茅簷下未
是為高栖一世皆尚同願君汨其泥汨古切深感
父老言真氣寡所諧紆纒誠可學違已詎非迷
且共歡此飲吾駕不可回

在昔魯遠遊直至東海隅道路迥且長風波阻

中塗此行誰使然似為饑所驅傾身營一飽以
許便有餘恐此非名計息駕歸閑居

顏生稱為仁榮公言有道屢空不獲年長饑至
予老雖留身後名一生亦枯槁死去何所知
心固為好客養千金軀臨化消其實裸葬何必
惡人當解意表

長公曾一仕壯節忽失時杜門不復出終身與
世辭仲理歸大澤高風始在茲一往便當已何
為復狐疑去去當奚道世俗久相欺擺落悠悠

談請從余所之

有客常同止趣捨邈異境一士長獨醉一大終
年醒醒醉還相笑發言各不領規規一何愚兀
傲差若穎寄言酣中客日沒燭當炳

故人賞我趣挈壺相與至班荆坐松下數斟已
復醉父老雜亂言觴酌失行次不覺知有我安
知物為貴悠悠迷所留酒中有深味

貧居乏人工灌木荒余宅班班有翔鳥寂寂無
行跡宇宙一何悠人生必至百歲月相催逼鬢

邊早已白若不委窮達素抱深可惜

少年窄人事游好在六經行行向不惑淹留遂
無成竟抱固窮節饑寒飽所更弊廬交悲風荒
草沒前庭披褐守長夜晨鷄不肯鳴孟公不在
茲終以翳吾情

幽蘭生前庭含薰待清風清風脫然至見別蕭
文中行行失故路任道或能通覺悟當念還舊
畫廢良弓

子雲性嗜酒家貧無由得時賴好事人載醪祛

所惑觴來為之盡是語無不塞有時不肯言豈
不在伐國仁者用其心何嘗失顯默

疇昔苦長饑投未去學仕將養不得節凍餒固
纏已足時向立年志意多所耻遂盡介然分終
死歸田里冉冉星氣流亭亭復一紀世路廓悠
悠楊朱所以止雖無揮金事濁酒聊可持

羲農去我久舉世少復真汲汲魯中叟彌縫使
其淳鳳鳥雖不至禮樂暫得新侏酒輟微鄉音漂
流逮狂秦詩書復何罪一朝成灰塵區區諸老

翁為事誠殷勤如何絕世下六籍無一親終日
馳車走不見所問津若復不快飲空負頭上巾
但恨多謬誤君當恕醉人

止酒

居止次城邑逍遙自閑止坐止高蔭下步止草
門裏好味止園葵大隴止稚子平生不止酒止
酒情無喜暮止不安寢晨止不能起日日欲止
之營衛止不理徒知止不樂未知止已利始覺
止為害今朝真止矣從此一止去將止扶桑溪

清顏止宿容奚止千萬祀

述酒

舊注儀狄造杜康潤色之

湯東潤曰按晉元熙二年

六月劉裕廢恭帝為零陵王明年以毒酒一甕授張薛使酖王薛自飲而卒繼

之令兵入踰垣進藥王不肯飲遂掩殺此詩所為作致以迎酒名篇詩薛盡

隱語故觀音弗肯獨韓子嘗以山陽下國一語疑是義熙後有感而賦子反覆

詳考而後知史為零陵哀詩也

重離照南陸鳴鳥聲相聞秋草雖未黃融風久已分素礫晶脩渚南嶽無餘雲豫章抗高門重

華固靈墳流淚抱中歎傾耳聽司晨神州敵嘉
粟西靈為我馴諸梁董師旅羊勝喪其身山陽
歸下國成名猶不勤卜生善斯牧安樂不為君
平王卒作去舊京峽中納遺薰雙陵南云言三
趾顯奇文王子愛清吹日中翔河汾朱公練九
齒閑居離世紛我我西嶺內偃息常所親天容
自永固彭殤非等倫

責子

白髮被兩鬢負肥膚不復實雖有五男兒總不好

紙筆阿舒已二八懶惰故無匹阿宣行志學而
不愛文術雍端年十三不識六與七通子垂九
齡但覓梨與栗天運苟如此且進杯中物

有會而作并序

舊穀既沒新穀未登頗為老農而值年
災日月尚悠為患未已登歲之功既不
可希朝夕所資煙火裁通旬日已來始
念饑乏歲云夕矣慨然永懷今我不述
後生何聞哉

弱年逢家之老至更長饑殺麥實所羨孰敢慕
甘肥怒如亞九飯當暑厭寒衣歲月將欲暮如
何辛苦悲常苦粥者心深恨蒙袂非嗟來何足
吝徒沒空自遺斯濫豈彼志固窮風所歸餒也
已矣夫在昔余多師

蜡日

蜡助
駕城

蜡臘祭名伊耆氏始為蜡蜡也者索也
歲十二月合聚萬物而索饗食之也

風雪送餘運無妨時已和梅柳夾門植一條有

佳花我唱爾言得酒中適何多未能明多少重
山有奇歌

四時

顧胤之神情詩
中體此四句

春水蒲四澤夏雲多奇峯秋月揚明暉冬山嶺秀
孤松

擬古九詩

榮榮窓下蘭密密堂前柳初與君別時不謂行
當久出門萬里客中道逢嘉友未言心相醉不
在接杯酒蘭桂柳亦衰遂令此言負多謝諸公

年相知不忠厚意氣傾人命離隔復何有

辭家夙嚴駕當往志無終問君今何行非商復
非我聞有田子春節義為士雄斯人久已死鄉
里習其風生有高世名既沒傳無窮不學狂馳
子直在百年中

仲春遘時雨始雷發東隅衆蟄各潛蛰草木從
橫舒翩翩新來燕雙雙入我廬先巢故尚在相
將還舊居自從分別來門庭日荒蕪我心固匪
石君情定何如

迢迢百尺樓分明望四荒暮作歸雲宅朝為飛
鳥堂山河滿日中平原獨茫茫古時功名士慷
慨爭此場一旦百歲後相與還北邙音松栢為
人伐高墳互低昂頽基無遺主遊魂在何方榮
華誠足貴亦復可憐傷

東方有一士被服常不完三旬九遇食十年著
一冠辛苦無此比常有好奇顏我欲觀其人晨
去越河關青松夾路生白雲宿簷端知我故來
意取琴為我彈上絃驚別鶴下絃操孤鸞願留

就君住從今至歲寒

蒼蒼谷中樹冬夏常如茲年年見霜雪誰謂不
知時厭聞世上語結友到臨淄稷下多談士指
彼決吾疑裝束既有日已與家人辭行行傳出
門還坐更自思不怨道里長但畏人我欺萬一
不合意永為世笑之伊懷難具道為君作訛
日暮天無雲春風扇微和佳人美清夜達曙酣
且歌歌竟長歎息持此感人多皎皎雲間月灼
灼葉中華豈無一時好不久當如何

少時壯且厲撫劍獨行游誰言行游近張掖至
幽州饑食省陽薇渴飲易水流不見相知人惟
見古時丘路邊兩高墳伯牙與莊周此士難再
得吾行欲何求

種桑長江邊三年望當採技條始欲茂忽值山
河改柯葉自摧折根株浮滄海春蠶既無食寒
衣欲誰待本不植高原今日復何悔

雜詩十二首

人生無根蒂飄如陌上塵分散逐風轉此已非

常身落地為兄弟何必骨肉親得歡當作樂斗
酒聚此鄰盛年不重來一日難再晨及時當勉
勵歲月不待人

白日淪西河素月出東嶺遙遙萬里輝蕩蕩空
中景風來入房戶夜中枕席冷氣變悟時易不
眠知夕永欲言無子和揮杯勸孤影日月擲人
去有志不獲騁念此懷悲悽終曉不能靜
榮華難久居盛衰不可量昔為三春樂今作秋
運房嚴霜結野草枯悴未遽央日月有環周我

去不再陽春眷眷往昔時憶此斷人腸

丈夫志四海我願不知老親戚共一處子孫還
相保觴紆肆朝日罇中酒不燥緩帶盡歡娛起
晚眠常早熟若當世士冰炭滿懷抱百年歸丘
壟用此空名道

憶我少壯時無樂自欣豫猛志逸四海騫翮思
遠翥往并歲月頽此心稍已去值歡無復娛每
每多憂慮氣力漸衰損轉覺日不如壑舟無須
臾引我不得住前途當幾許未知止泊處古人

惜寸陰念此使人懼

昔聞長者言掩耳每不喜奈何五十年忽已親
此事求我盛年歡一毫無復意去去轉欲遠此
生豈再值傾家時作樂竟此歲月駛有子不留
金何用身後置

日月不肯遲四時相催迫寒風拂枯條落葉掩
長陌弱質與運頽玄鬢早已白素標插人頭前
塗漸就窄家為逆旅舍我如當去客去去欲何
之南山有舊宅

陶集卷一
代耕本非望所業在田桑躬親未曾替寒餒常
糟糠豈期過滿腹但願飽粳糧御冬足大布鹿
絺以應陽正甯不能得哀哉亦可傷人皆盡獲
宜拙生失其方理也可奈何且為陶一觴

遙遙從羈役一心處兩端掩淚汎東逝順流追
時遷日沒星與昴勢翳西山巔蕭條隔天涯惆
悵念常飡慷慨思南歸路遐無由緣關梁難虧
替絕音寄斯篇

閑居執蕩志時駛不可稽驅役無停息軒裳逝

東涯沉陰擬薰麝寒氣激我懷歲月有常御我
來淹已彌慷慨憶綢繆此情久已離荏苒經十
載暫為人所羈庭宇翳餘木倏忽日月虧

我行才云遠回顧慘風涼春燕應節起高飛拂
塵梁邊鴈悲無所代謝歸北鄉離鵠鳴清池涉
暑經秋霜愁人難為辭遙遙春夜長

孑孑松標岷岷變柔童子年始二五間喬柯何
可倚養色含精氣粲然有心理

詠貧士七首

萬族各有託孤雲獨無依曖曖空中滅何時見
餘暉朝霞開宿霧衆鳥相與飛遲遲出林翮未
夕復來歸量力守故轍豈不寒與饑知音苟不
存已矣何所悲

淒厲歲云暮擁褐曝前軒南固無遺秀枯條盈
北園傾壺絕餘瀝闕竈不見煙詩書塞座右日
晏不遑研閑居非陳厄竊有愠見言何以慰吾
懷賴古多此賢

榮叟老帶索欣然方彈琴原生納決屨清歌暢

高音重華去我久貧士世相尋弊襟不掩肘藜羹常乏斟豈忘襲輕裘苟得非所欽賜也徒能辯乃不見吾心

安貧守賤者自古有黔婁好爵吾不榮厚饋吾不酬一旦壽命盡弊服仍不周豈不知其極非道故無憂從來將千載未復見斯儔朝與仁義生夕死復何求

袁安困積雪邈然不可干阮公見錢入即日棄其官芻蕘有常溫採菰足朝食豈不實矣古所

懼非饒寒貧富常交戰道勝無戚顏至德冠邦
間清節映西關

仲蔚愛窮居遠宅生蒿蓬翳然絕交游賦詩頗
能工舉世無知者止有一劉龔此士胡獨然寔
由罕所同介焉安其素所樂非窮通人事固以
拙聊得長相從

昔在黃子廉彈冠佐名州一朝辭吏歸清貧畧
難儔年饒感仁妻泣涕向我流丈夫雖有志固
為兒女憂惠孫一晤歎腆贈竟莫酬誰云固窮

難邈哉此前脩

詠二疎并序

漢疏廣傳廣字仲翁為太子太傅兄子
受為太子少傅在位五歲廣謂受曰知
足不辱知止不殆今仕宦至二千石名
立如此不去懼有後悔豈如父子相隨
出關歸老故鄉不亦善乎即日上疏乞
骸骨宣帝許之公卿大夫故人邑子設
祖道供帳東都門外送者車數百兩觀

者皆曰賢哉二大夫廣歸鄉里日具酒
食故舊賓客與相娛樂

大衆轉四時功成者自去借問襄周來幾人得
其趣游目漢廷中二疎復此舉高嘯返舊居長
揖諸君傳餞送傾皇朝華軒盈道路離別情所
悲餘榮何足顧事勝感行人賢哉豈常譽厭厭
問里歡所營非近務促席延故老揮觴道平素
問金終寄心清言曉未悟放意樂餘年追恤身
後慮誰云其人亡久而道彌著

詠三良并序

三良子車氏子奄息仲行鍼虎穆公歿
康公從治命以三子為殉國人哀之賦

黃鳥

彈冠乘通津但懼時我遺服勤盡歲月常恐功
愈微忠情謬獲露遂為君所私出則陪文輿入
必待丹帷咸規嚮已從計議初無虧一朝長逝
後願言同此歸厚恩固難忘君命安可違臨穴
周淮疑投義志攸希荆棘籠高墳黃鳥聲正悲

良人不可贖
泣然沾我衣

詠荆軻

燕丹善養士
志在報強嬴
招集有夫良
歲暮得
荆卿君子死
知己提劍出
燕京
素驥鳴廣陌
慷慨送我行
雄髮指危冠
猛氣充長纓
飲饒易水
上四座列羣英
漸離擊悲筑
宋意唱高聲
蕭蕭
哀風逝
淡淡寒波生
商音更流涕
羽奏壯士驚
心知去不歸
且有後世名
登車何時顧
飛蓋入秦庭
涉馮越萬里
逶迤過千城
圖窮事自至
豪

主正怔營惜哉鈞術疎奇功遂不成其人雖已
沒千載有餘情

讀山海經十三省

按讀山海經穆天子
傳今止題讀山海

孟夏草木長遠屋樹扶疎衆鳥欣有託吾亦愛
吾廬既耕亦已種時還讀我書窮巷隔深轍頗
迴故人車歡然酌春酒摘我園中蔬微雨從東
來好風與之俱汎覽周王傳流觀山海圖俯仰
終宇宙不樂復何如
玉臺凌霞秀王母怡妙顏天地共俱生不知幾

何年靈化無窮已
館宇非一山高
酣發新謠寧
效俗中言

迢遞槐江嶺是謂玄圃丘
西南望崑墟光氣難
與儔亭亭明玕照落落清瑤流
恨不及周穆託
乘一來游

丹木生何許迺在壑

音密

山陽黃花復朱實食之

壽命長白玉凝素液
瑾瑜發奇光豈伊君子寶

見重我軒黃

翩翩三青鳥毛色奇可憐
朝為王母使暮歸三

危山我欲因此鳥具向王母言在世無所須惟
酒與長年

逍遙蕪臯上杳然望扶木洪柯百萬尋森散覆
暘谷靈人侍丹池朝朝為日浴神景一登天何
幽不見燭

粲粲三珠樹寄生赤水陰亭亭凌風桂八榦共
成林靈鳳撫雲舞神鸞調玉音雖非世上寶爰
得王母心

自古皆有沒何人得靈長不死復不老萬歲如

平
常
亦
泉
給
我
飲
員
丘
足
我
糧
方
與
三
辰
游
壽
考
豈
渠
央

夸
父
誕
宏
志
乃
與
日
競
走
俱
至
虞
淵
下
似
若
無
勝
負
神
力
既
殊
妙
傾
河
馬
足
有
餘
迹
寄
鄧
林
功
竟
在
身
後

精
衛
銜
微
木
將
以
填
滄
海
刑
天
舞
干
戚
猛
志
故
常
在
同
物
既
無
慮
化
去
不
復
悔
徒
設
在
昔
心
良
晨
詎
可
待

巨
猾
肆
威
暴
飲
駭
違
帝
旨
竄
竄

竄音軌
下音愈
強
能
變

祖江遂獨死明明上天鑑為惡不可履長枯固
已劇鵠鵠豈足恃

鵠鵠

當作鵠

見城邑其國有放士念彼懷王世當

時數來止青丘有青鳥自言獨見爾本為迷者
生不以喻君子

巖巖顯朝市帝者慎用才何以廢共鯨重幸為
之來仲父獻誠言姜公乃見猜臨沒告饑渴當
復何及哉

擬挽歌辭三首

有生必有死早從非命促昨暮同為人今日在
鬼錄魂氣散何之枯影寄空木嬌兒索父啼良
友撫我哭得失不復知是非安能覺千秋萬歲
後誰知榮與辱但恨在世時飲酒不得足

在昔無酒飲今但湛空觴春醪生浮蟻何時更
能嘗穀案盈我前親舊哭我傍欲語口無音欲
視眼無光昔在高堂寢今宿荒草鄉一朝出門
去歸來夜未央

荒草何茫茫白楊亦蕭蕭嚴霜九月中送我出

遠郊四面無人居高墳正焦光馬為仰天鳴風
為自蕭條幽室一已閉千年不復朝千年不復
朝賢達無奈何向來相送人各自還其家親戚
或餘悲他人亦已歌死去何所道託體同山阿

聯句

鳴鴈乘風飛去去當何極念彼窮居士如何不
歎息淵明雖欲騰九萬扶搖竟何力遠招王子
喬雲駕庶可飭惜之顧侶正徘徊離離翔天側
霜露豈不切務從忘愛翼循之高柯濯條幹遠

同天色思絕處未看徒使生迷感

陶靖節集卷第一

